



Tē 17 kî 2004/5/20

2000 nî 5 góeh 20 chhòng-khan

Chóng-pian-chip

Tē<sup>n</sup> Si-chong

Pian-chip kap Siat-kè

Koa Khá-lē

Publisher

Ko-hiōng Tân-gí Lô-má-jī Gián-síp-hōe

## Tin-kiū TOJ Bûn-kó

Babuza

<TOJ> chū chhut-sì kàu-ta<sup>n</sup>, í-keng ū 4-nî kú, khan-chhut 16 kî. Chiàu gôan-lâi ê kè-ōe, 2 kò-góeh chhut 1-kî. Kàu-ta<sup>n</sup> eng-kai chhut 24-kî chiah tiōh. Chit-ê chìn-tō it-tít lóng chin sūn-lī teh kiâ<sup>n</sup>.

M-kú, tùi 15-kî khí, kàu chit-má chiah chhut 3-kî niâ. Ki-pún gôan-in sī bô kàu-giàh ê bûn-kó thang iōng. Góan mā kúi-pái kā tāi-ke pò-kò kòe, hi-bāng siá khah-chē LMJ bûn-chiu<sup>n</sup> lâi tâu-kó. Chóng-sī bô siu-tiōh góan kî-thāi ê hôe-èng. Che hō góan chin kan-khó-sim: beh koh kè-siòk pān--lōh--khì, khó-sioh bô kó thang iōng; beh kā thêng-tiāu, kám-kak chin bô-chhái, mā chin bô èng-kai! KLH kap TLH ê hôe-ôan lóng-chóng mā beh kàu chiâ<sup>n</sup> chheng ê lâng. Sī án-chóa<sup>n</sup> bô hoat-tō î-chhî chit-hūn chôan-Lô ê sió-sió khan-bût?

Kiám-sī chit-khóan bûn-jī tāi-ke bē-tàng chiap-siū? Tāi-ke siu<sup>n</sup> bô-êng thang siá? Á-sī bē-hiáu siá? Góan chin ñg-bāng tī chit-ê chhe<sup>n</sup>-ñg put-chiap ê sî-chūn, ū khah-chē lâng lâi siá ka-kī ê kám-sióng kap ñg-bāng. Kā lán ê sim-chêng lâu hō kiá<sup>n</sup>-sun chò lèk-sú sím-phòa<sup>n</sup> ê kin-kì!